

են այս յատկութիւնը և գործածած են զայն աղու-  
րումի (bouturage), բուսական կենդանացման և եղա-  
նակային ծէսերու մէջ: Իրապէս Միջին դարուն նը-  
կատուած է իբր հրաշալի ծաղիկ մը: Կ'ըսեն թէ ան  
ամէն տարի Ս. Ծնունդէն օր մը առաջ կը ծաղկի:  
Շատ մը եկեղեցիներու մէջ մինչև ժէ. դար Երիքովի  
վարդերը Ս. Ծննդեան ճրագալոյցին կը բացուէին եւ  
հետեւաւ օրը կը գոցուէին: Այս կրկին հրաշքը կը  
պատկերացնէր Ս. Կոյսը՝ բացուած և գոցուած: Եւ  
քահանան որ այս հրաշքը կը ներկայացնէր հաւատա-  
ցեալներուն, չէր թերանար բացատրելէ Սիրաքի այն  
խօսքը որ յիշուեցաւ (E. F. B. էջ 125—126):

Ըստ հին աւանդութեան մը, «կարմիր վարդերը  
ցոյց կուտային Ս. Ստեփանոսի մարմնոյն ներկայու-  
թիւնը և ճերմակները՝ Ս. Նիկողիմոսինը» (Alf. էջ 106):

դ) Երանկի Աղփիտոսի այգին. — Palladiusի Histoire  
Lausiqueի (էջ 48) մէջ կը պատմուի հետեւեալը.

Աղփիտոս՝ մենակեաց մըն էր որ կը բնակէր քա-  
րայրի մը մէջ, Երիքովի շրջակաները. բազմաթիւ  
եղբայրներ իր շուրջը հաւաքուած էին: Օր մը անոնց-  
մէ մին բռնած էր որթի ճիւղ մը. մինչ ինք նստած  
էր լերան մէկ ծայրը՝ առնելով անոր ձեռքէն թա-  
ղեց զայն՝ իբր թէ տնկելու համար, թէպէտև տնկե-  
լու եղանակը չէր: Մեծցաւ ան ու եղաւ այգի մը՝  
այնպէս որ եկեղեցին կը ծածկէր (E. F. B. էջ 108):

Յորդանանի աւանդութիւնները. — Քրիստոսի տնօ-  
րինական տեղերէն մին կը նկատուի Յորդանան գե-  
տը, ուր մկրտուեցաւ մեր Տէրը Յովհաննէս Մկրտի-  
չէն, ինչպէս կը վկայէ Աւետարանը: Յորդանանը կը